

Aen Ronghndwen Diegcoj, Ngamqngamq Baenz

Aen ronghndwen haemhneix hausagsag, ndaundeiq cungj ndojdeuz lo. Gij ronghdaeng ndaw fungh ranz, baenzlawz cungj rongh mbouj gvaq aen ronghndwen diegcoj.

Muenghyawj aen ronghndwen, gou dauqngex daengz aen cin iq baihnanz. Ndaw cin miz mbangj diuz gai lij caengz bu lizcingh, saekseiz miz cisamloek loh gvaq, gwnzgai couh foenqgoedgoed. Gij ranzlaeuz ngamq hwnq haenx doxlienx baenz rangh, ndwn youq diegsang ciq kij rongh ronghndwen muengh bae, ronghdaeng migmyanz lumj duz lungz raez ndeu.

Ranz gou miz aen suen ndeu, ndaw suen ndaem miz godauz iq, godauz mbouj suenq sang, diuz ganjfaex daemqded gozged, mbouj did ok geijlai ngefaex, hix mbouj dawz geijlai kij lwgmak oi-qem' em haenx. Baeznaengz ma daengz gizneix, gou cungj genj ngefaex co ndeu, dawz aen daengloengz hoij youq gwnzde.

Mbwn laep le, diemj aen daengloengz, feizmbaw youq ndaw haeuzdaeng diuqfoux, ciuqrongh lengq mbaw vadauz gwnz ngefaex, ciuqrongh baenz hwnz baenz hwnz laepngaungau, hix ciuqrongh le diuzloh gou ma ranz haenx.

Gij banhwnz seizhah ceiq gyaundeix, mbwn laepngaungau, caemrigrig, miz haujlai ronghrib



diuqfoux fefe. Duz mahenj hen dou ranznden cix mbouj lumj doengxngoengz baenzlai angq lo, aen ndang boemz youq henzdou, iet linx ngebngheb cimyawj kij vnz byaij gvaq henz ndang de. Seizhaenx gou couh riengz daxbuz ninz youq gwnz eigaeu ndaw dangzhongh, rumzhaemh cififi, byoemgyaeuj mbinsisi, eigaeu ngauzngednged, ndwenngoengz caem ndei, seizgan lumjbaenz youq seizneix menh roengzdaeuj lo.

Miz eigaeu yiengj ngi'ngi ngednged bang gou cwdangj, gou laeglemx bin hwnj gwnz bo iq laeng ranz bae, gwnzdieg lij louzmiz kij mbawfaex siksang haenx, gizneix dwg

gizdieg gou doengxngoengz caeuq gyoengq nyzdoi-h guhcaemz gvaq. Gou buenz ga naengh youq gwnzdieg, ngiengx gya-euj muengh coh gwnzmbwn, couh deng aen ronghndwen gozgemgem haenx ciuinx lo.

Ronghndwen caen gyaundeix, caen saenzmaed ha, cienbak bi daeuj miz haujlai boux doegsaw guh sei haenh de, lauhei-q dwg aenvih de miz rongh miz laep, miz luenz miz vauq, boux vnz raizsei ciq gijneix daeuj danqhaenh kij cingzniemh diegseng haenx. Lij Bwz sij miz 《Youq Laj Ronghndwen Gag Ndoethaeuj》, caeuq ronghndwen guhdoi-h, mbehai kij

cingsaenz sei-qgyai-q godog cwxcaih de; laj bit Suh Siz raiz miz 《Suijdiu Gohdouz》 dawz ronghndwen beij baenz kij vnzsei-q bienqvaq mbouj dingh haenx, biujdap aensim langh-hai de. Gou sawq muengh coh ronghndwen diegcoj, muengh coh moix it conq namhdoem diegcoj, gamjsouh kij cingzng-eih ndiepgyaez diegcoj haenx, sawqmwh, aendaeng ndawsim gou deng diemj rongh lo.

Seizgan lumj maxlwg gvaq gemh, ndwenngoengz lumjbaenz aen gyangq seizi-q boenz gvaq haenx, deng diuzbien fad dwk, lumj mbin nei baenqlulu, caengz ndaej yawj cing couh baenz kij saehgon-q lo. Gou dauq dandog geiq ndaej dangzhongh, daxbuz caeuq aen ronghndwen. Gij rongh ronghndwen cik youq gwnz ndang gou seizde, kij dauqngex haenx couh youq ndaw sim gou swng hwnjdaeuj, diemj rongh moix aen hwnz laepgogo gou, gyaepdeuz kij ngaeuzraemh ndaw sim gou.

Diegcoj dwg gizdieg dou seizi-q siengj deuzbae haenx, dwg gizdieg dou seizge-q siengj dauqma lauhei-q gaenq dauq mbouj ndaej haenx.

Youq seizhaenx, dieg haenx, yawjraen aen ronghndwen diegcoj, yienghyiengh cungj ngamqngamq baenz.

(Cuh Gucinh raiz
Yinj Fuzgen hoiz)

Gij Hanh Boux Dawzrap Gwnzbya

Sujgyaj bi' gvaq, gou caeuq daxboh bae bin Byavangzsanh.

Dou naengh lamxci hwnj bya gonq, roengz ci le, couh byaij din hwnj Gvanghmingzdingj bae. Youq gyang roen bin bya, gou bungz daengz boux rap baufug hung ndeu, de hanh rim gya-euj, yawj hwnjbae naet raixcaix, gou raen gig ngeizvae-q. Daxboh naeuz: “De dwg boux dawzrap gwnzbya.” Haidaeuz, gou naemj boux dawzrap gwnzbya caen ndei, ndaej canh cienz vanzlij mbouj sai cienz couh ndaej bin bya. Hoeng ndaw rap baufug de cungj miz gijmaz doxgai-q ne? Gou naemj dwk. Gvaqlaeng, gou baegfofo, hix mbouj cai-q miz rengz naemj engq lai lo.

Yaek daengz banringz, dou dauqdae-j bin daengz Gvangh-mingzdingj, dajsuen-q youq aen diemqgwnhaeux henzgyawj gwn ngaiz, dou dep lwgsai iq caeuq meh de naengh roengzdaeuj. Cij raen lwgsai iq ciengj dawz danbyaek, vix kij byaek gwnz danbyaek, cauznauh: “Gou yaek gwn gijneix, gijneix, lij miz gijneix……” Daxmeh de mbouj cinj, naeuz: “Mbouj baenz, mwngz diemj dai-q lai lo.” Lwgsai iq dingq kij vah daxmeh le miz di mbouj angq lo, ndaw bak cauznauh: “Gou siengj gwn lij mbouj hawj diemj lo.” Daxmeh de gienq de naeuz: “Gij doxgai-q gwn gizneix cungj dwg boux dawzrap gwnzbya baez di baez di rap hwnjdaeuj ho……”

Dingq daengz “boux dawzrap gwnzbya” kij cih neix, gou fwt siengj

daengz haxbaenh bungz boux dawzrap gwnzbya haenx——Gouh haizbaengz uq naezboengz, geu buh hanh dumz doh, diuz hwet deng rapnaek at gungj, moix baez yamq din cungj saenzfwdfwd, lumjbaenz sikhaek couh laemx nei, hoeng de vanzlij yungh rengz baez mbaek baez mbaek lae cengq hwnjbae, caeuq boux dawzrap gwnzbya daenj buhmbangjimbaek hoengz Fungz Yicaiz sienseng sij haenx mbouj doxlumj saekdi. Seizneix, gou cungj suenq rox lo, gwnz bya kij doxgai-q gwn caeuq kij doxgai-q ngoenzyungh cungj dwg gyoengqde baez di baez di rap hwnjdaeuj ha! Haidaeuz lij hozhaenz gyoengqde mbouj yungh sai cienz ndaej bin bya, yienzlaiz saehcingz mbouj lumj gou siengj yienghde ha——Guh boux dawzrap gwnzbya dwg dwgrengz ragwn ha!

Daxboh lumjbaenz yawj ok gou naemj gijmaz, naeuz: “Siujyei ha, ‘byawz rox ngaiz ndaw vanj, naed-naed cungj dwgrengz.’ Raeuz hix mbouj ndaej sai haeuxgwn, gijde dwg nungzminz sai rengz lae hanh guh ndaej daeuj hw, gwnzbya kij doxgai-q gwn caeuq doxgai-q yungh hix miz kij hanh boux dawzrap gwnzbya ha!”

Seizde, gou rox liux kij haeuxgwn gwnzbya ndaej daeuj mbouj ngaih caeuq kij gwndaenj boux dawzrap gwnzbya mbouj ngaih, ndigah, raeuz engq wnggai insik kij gwndaenj seizneix.

(Giu-h Swjyei raiz
Veiz Yen'gyangz hoiz)



Mbaet Makdauz

Laeng ranz ranzcoj gou miz go makdauz ndeu, baez daengz seizhah, gwnz go cungj baenz mak rim liux.

Sujgyaj ngoenz ndeu, gou caeuq daxgoeng yaek mbaet kij makdauz gwnz go. Daxgoeng daj ndaw ranz dawz aen laefaex ndeu okdaeuj, ing ha-euj godauz bae nda ndei, heuh gou bin hwnj lae bae, hoeng gou mbouj gamj. Doeklaeng daxgoeng nai gou youh rex gou, gou cij bin daengz dingj lae, mbaet aeu aen makdauz youh hung youh hoengz ndeu.

Gou roengzdaeuj le, daxgoeng youh bin hwnj lae bae. Daxgoeng youq gwnz mbaet, gou youq laj aeu lamz deq, yaepyet makdauz couh rim lamz lo.

Baezneix mbaet makdauz, gou baez dai-h'it bin lae, baez dai-h-it daj gwnz gomak mbaet aeu lwgmak, hawj gou geiqndaej maenhmaenh bae.

(Vangz Yinyenz)